

P R A E F A T I O.

dato Illusterrissim. C. T. Domini parentis,
Domini ac Principis mei clementissimi, hac
forma adornatum, humilimè offero, pre-
corq; ut C. T. hosce qualescunque conatus
meos, clementi vultu suscipiat, illisq; ad
propriæ Salutis incolumentem, & totius
Christianæ Reipub. commodum, divinâ
benignitate, perfruatur. Deprehendet,
ut spero, C. T. quomodo ad nudissimas de-
scriptiones, & enunciata Theologica, tum
illa dicta, que C. T. memoriâ tenere nove-
ram, tum interdum etiam aliqua alia, ap-
plicare studuerim: ut appareret, nihil in
Theologicis, sine Scripturarum Authori-
tate adstrui vel affirmari debere: & quæ
posita essent, quibus Scripturæ dictis confir-
mentur & demonstrantur. Si enim Physi-
co, sine causarum indagatione, & Iurisper-
ito sine legibus loqui, turpe est: in Divinis
certè, sine Scripturis loqui, periculum &
dedecus est multò maius.

Nunc verò, Illusterrissime & Clementissime Princeps, totius huius libelli, velet-
iam totius Theologicæ scientiæ summam
quandam, breviter T. C. oculis animoq;
subiiciam. Cum enim & hæc scientia om-

(:) 4 nium